

八述奇

卷之九

地 980
917-8
部 三 9



八迷奇卷九

鐵嶺張德彝在初隨筆潘士魁校

光緒二十九年八月初九日庚申陰雨陣陣倫敦城東北角舊為哈克尼村現連大城而地名不改該地居民貧苦極多往往有六七家共居一樓者每遇男子患病無力求醫乃送入醫院其妻其子其女或不能度日入招工之所傭工久之此須房租亦難償給致仰屋而居殊堪憫惻因而地方官乃定公造長樓一排內分小間每間應用之牀卓器具什物合計不逾五鎊專備貧民患病者携眷居之其人或病或愈始令移出別納他人患病者是亦辭恤之意也聞彼處一老嫗因貧由住所移入招工所用敞車兩輛載大小敝篋二十餘就中無非爛毡破布舊紙亂繩統估其值不及兩車運費別一男在招工所作工平日由街市拾取大小石山集於牀下暇則按出數之貧民之心概可見矣

初十日辛酉晴華人畜犬大者守夜小者或入耳目玩好之列皆養於家不聞寄養于外者而倫敦城外之狗店代人收養費以月計或日計主人可隨時往看亦有

草木小園。日日以時放天。任其馳逐。博犬惟已。犬病女
婢監之。視如童子。庖嫗司其飲食。必熟必潔。犬卧處涼
燠。取度于人。且朝夕洒掃。除其汗穢。犬身時梳洗。俾其
清爽。免生疾。以取悅于畜犬之主人。歐人之生財。乃如
此。

十一日壬戌。陰。入夜雨。北斐洲中央薩哈拉國地曠人
稀。大片沙漠。昨讀新報。薩國皇帝勒博的隻身出道。法
之獵戶某甲引之于前。禮拜日旁晚到倫敦。住薩外店。
行李無多。嘗赴城西角之小加非館。一日出游。終夜未

二

歸。不知何往。初抵倫敦。陸續謁者一日千輩。多商賈。而
槍礮工人強半。咸求覓生涯。薩皇乃以愚蠢之態接待
之人。所言者皆恍惚應允。不知將來作何了局。所收信
件名片。筐不勝盛。云云。新報尊勒博的曰。皇帝莫知其
由。

十二日癸亥。晴涼。西人謂人之營業而得永年者。醫與
樂工耳。夫醫知養生之理。衛身之術者也。其在樂工。學
得一門。足以自給。雖所入無多。而無凍餒之慮。不勞心
不勞力。無所抑鬱。可卜長年。如美國人都七千六百萬。

年逾百者男則一千二百八十九婦女二千二百四十七其八十九十歲者不止萬人要皆樂工醫士居多

十三日甲子微晴外國婦女亦有得寶星者英國居多始自君主維克都里亞賞分五品形式不一第一品名

維克都里亞阿拉柏夫老婦名分四等頭二等中鑿君主

夫婦二頭相竝夫右婦左外一圈上一王冕皆以珠寶

鑽石鑲嵌冕上連一白絛鑿作八字形左右垂總絛寬

四分三等正面王頭改鑲珍珠四等正面王頭改鑿V

A二名減筆之字仍用珍珠鑲嵌以上式皆橢圓周約

三寸第二品名印度冕不分等亦橢圓形正面鑿IR

V三字拼成一處作車形是為君主減筆押義乃帝后

維克都里亞也其上之王冕及四邊亦皆鑲以珠寶鑽

石王冕頂上亦繫以縵成八形扁絛色作淺藍白窄邊

第三品名襪帶乃上等第一寶星其式一金花頸練長

約尺寬一寸作五圓花餅彩絛繫狀居中餅下垂一金

鑄馬踏飛龍周約四寸扁形晶瑩透徹詳見別一八出

菊花鑽石寶星中一白十字外圍一圈鑿以惡生於心

者惡及其身九字此星外周八寸餘亦不分等

此寶星于今亦

佩者男子 第四品名開薩伊新大義乃印度王也式作橢
圓周約五寸沿邊鑿花飾以珠寶中亦鑿 I R V 三字
之減筆押第五品名洛亞當克洛斯譯乃御前紅十字
也即現所謂之紅十字會 周四五寸四出作雙搭銀定形珽琅瓷
紫紅色外鑲白窄邊中心圓圈白色內鑿君主頭作左
視狀其第一品始于西一千八百六十二年同治得佩
帶者為君主太子妃王夫人公主郡主縣主及德俄兩
國后和蘭魯麻呢亞兩國王后此外命婦夫人小姐輩
十數人皆前有功於斐洲軍事者第二品始于英君主

加印度后帝徽號時婦女受賞者三十人為印度王妃
官婦及管理印度各處之英官夫人第三品佩帶者惟
英老君主并未賜他人因係第一上等位卑者不易得也 第四品始自
何年未詳膺此賞者僅費爾思夫人以其曾有大功于
印度通國也第五品始于西一千八百八十三年光緒九年
為賞各婦女之在軍營行善拯救療治撫養兩營兵官
之受傷患病飢餓者此婦女稱為養育姊妹雖世爵仕
官之妻女亦在焉
十四日乙丑鎮日陰晴不定入夜風雨交加涼外國婦

女寶星又有三品。一曰耶路撒冷賢卓安條一銀圍頸
綵長約尺二寬一寸中繫一白瓷十字式如四魚尾倒
攢一處上尾左右二小馬下尾左右二飛龍統作✽形
周約五寸共二枚一垂項下胸前一挂左乳旁此寶星
于七百年前傳入英國至今得佩者英君主與杜達蕾
伯爵夫人而已此寶星惟賜天主耶穌教中人且有定
例佩之者每遇回教人赴耶穌塚則率眾攻之蓋千百
年前天主回回兩教之舊仇也一曰賴攘多虐法國創
製譯乃軍榮也不知始自何年婦女之得佩者二一係

五

女子博洛薩為著名之百獸畫師一係婦人瞿樂法在
軍營善偵探不惟得佩此寶星圍紅帶且特准作男子
裝至各處哨勇見之舉槍行禮與男官同第三品名曰
司雷烏騷倭爾秋譯乃女婢之德也始于西一千六百
六十二年康熙元年奧國皇后第來得立第三所創數共三
十皇后為首佩帶其一其他凡朝中婦女之有仁心善
舉者賜之其式未詳

十五日丙寅早雨午後雨止仍陰酉正開筵賞中秋凡
華人之來英肄業游歷者盡邀入座合中外僕役上下

共十二桌彼此易致交酬暢敘甚歡西國之寶星本名
教爾得爾或美達勒譯為賞號及功牌形式不皆作星
之金光四射方者長方者圓者橢圓者十字者八角者
四五六出菊花者不一其製色分黑白紅藍質不僅金
銀按寶星二字由來當是道光二十二年南京華英初
次立約英國公使官銜佩帶此物而無名依字譯出又
恐不明來歷者笑英教士墨利孫以國王所賜者為寶
其式如星創其名曰寶星蓋壬寅以前言洋務各書未
有論及者

六

十六日丁卯陰而細雨陣陣英國駐美公使何柏爾今
春因病請假赴瑞士養病日前身故今日出殯西十月
乃奉英王諭于今日未正在賢翟木斯宮旁瑪柏樓府
中小教堂唸經禱祝雖未柬約而登之泰晤士報是暗
為知會也未初余著素袿乘車往至經外部小禮官引
入坐于右鄙第二橫長凳同時到者各國頭二等公使
六七十人本國大員如藍侯輩多人男女百餘皆仕官也
屆時鼓風琴先入宮中教堂沙彌九各光頭著紅呢金
邊長襖再則白氎紅領教士十二白氎紅領加黑綢長

桂之牧師英名稱曰三兩兩步入登臺分坐左右一牧
師名史艾巴立于正面卓前堂小而樸素臺上正面懸
油績耶穌像如在半天雲霧中像前五一金十字左右
分陳白菊四瓶各排作團扇形花面向外然白燭兩枝
高各二尺餘一切禮節忽念忽誦忽坐忽立與他處同
申正回廡

十七日戊辰微晴風入夜雨聞章伯綸夫婦于昨日戌
初乘火車由倫敦飛至蘇格蘭之格拉斯溝城下車處
男女觀者擁擠數千特派巡捕一百四十名彈壓初下

車款一老嫗由眾中搶出雙手獻章夫人鮮花一束繼
又土人千餘同歌他是暢快好人一曲以歡迎之行經
之處男女無不脫帽搖中高聲祝賀飯後入賢安得路
堂中演說堂廣容人五千前日爭買座券者男女七萬
人券直每幅五先竟漲至三吉呢章伯綸立臺上朗宣
兩點鐘之久不只數萬言大旨謂六十年來經冠普坦
所定不收他國貨物進口稅始自本城指格拉原冀他
國亦如此辦理乃至今依然如故英國向來較他國製
英國如此辦理望別國亦皆照辦殊與英之商務有益
不意近來別國亦皆能造而且稅章不改故有是言

今特擬改數條。我國工商庶幾得有利益。所可收外國
進口稅者。如麥子。每夸特八。收二先。肉百分之抽五。奶
油。雞蛋。菜蔬等。亦皆百分之抽五。此皆向多。其他造成各
物。皆百分之抽十。各屬地之酒。減稅。亦不亞於法國者。今
減稅自得。外國麵較麥子。進口收稅加倍。其所以然者。
第一為磨。可賣錢。可餵豬。其仍不抽稅者。為蕎麥。鹹
餅。之麩皮。可賣錢。可餵豬。及各屬地之五穀粗貨。棉等。所擬減
豬肉。貧人所食。為。及各屬地之五穀粗貨。棉等。所擬減
稅者。如茶葉。減三分。今原係六。本土。糖。加非。扣。扣。皆減。糖
英之飲食什物。多來自他國。六十年來。英之屬地。日多。
出產俱備。故敢如是云云。有謂英國茶葉減稅。有益於

華商者。不知歐洲各國。惟有英人。仔細合計。稅務如此。
種茶于印度也。否則何有如此耶。仔細合計。稅務如此。
辦法。則農工于每禮拜。可省九法丁半。匠役省十法丁。
按所減之稅。每年口部。當少收二三兆。然按所加之稅。
又當多收九兆。以所加所減。合而計之。是反多收七兆
也。

十八日己巳陰雨。今午英君由蘇格蘭巴勒那行宮回。
倫敦。英國襪帶寶星之由來。西國婦女之襪。皆線織。上
長過膝。扣以綠線帶。帶寬五分。色分五彩。連以銀扣。前
于西歷一千三百三十年。曆元帝天。英君埃達。倭第三

時某晚宮中設跳舞會有沙立斯百里侯夫人之襪帶
猝墜地經黑盔太子埃達倭拾起雙手交還左右嗤之
以鼻太子怒曰惡生於心者惡及其身由是設此寶星
不作襪帶之用而以襪帶為名且將惡生於心九字鑿
于其上志之此寶星共備二十四枚從前專賜公侯伯
三世爵至三百年前約在查里第二之世則改賜公侯
兩爵矣其馬廼飛龍乃傳自新約全書謂昔賢卓志乘
馬遇飛龍恐被所害使馬踏其身而以劍刺之因英蘭
供奉卓志故用斯典

十九日庚午陰雨陣陣倫敦各大新報館于章伯綸未
到格拉斯溝之兩日前即派多人赴彼部署一切蓋為
速傳所言至倫敦次早可印入新報也多人坐近臺前
以便詳聽各館派人六七名或十數名不一統約百五
十餘中各一人為首隨時指點各館中人不同時聽寫
互為輪流各司五分之工章伯綸登臺將開口為首各
人即各以指號指定某甲此等人洋名力頗特爾華言
減筆報事人也其減筆字如蝌蚪
及五分為首人即指派某乙接寫當乙聽寫時甲又須

於此五分之一內將所聽寫者錄成明文錄就即交為首
人為首人閱一周無錯落復交左近一小屋內所雇報
局多人此等入洋名噴吃爾華言鑿子手也各人手執
一古米物如鑿如錐按字以鑿鑿點橫暗號于四分寬
之紙條上其號如———此字洋名
莫爾斯和達乃莫爾斯所創之號碼也此後復以一管
器名韋斯敦特蘭斯彌特爾者詳見飛去電報局又五
分則變成……而到倫敦再由孔點改寫明
文依次陸續填入氣筒吹至最近屬新報館之信局是

局馳送報館報館立用新創及作鉛模之工詳見六造
字今段成板齊則置架刷印天未明億萬張報成矣由
格拉斯溝至倫敦四百零五洋里合中國一千二每五
分傳四百話章在格城數萬言說畢五分鐘後倫敦則
如數印出速可知矣

二十日辛未陰倫敦現尚橙色哈巴狗有女名莫蒲喜
者前于禮拜六日申刻伊家開狗茶會帖登新報凡婦
女之畜此色犬者屆期願往須先給信以便預備一切
刻因天寒各狗皆須背覆棉被項圍圍領鈴鐺號明主

姓及犬名至申正備各犬美食一盤其喜吠噬者列第一橫小而嫩弱者列末橫當其喫食時人相賞視并請獸醫之了然種類者暗為甄別分定甲乙前列者各有賞號西人嗜此當不如中國之鬪鵠鬪蟋蟀也

二十一日壬申陰雨西國屋壁忌徹白或以彩石包鑲或以彩紙裝潢所用之紙不比倭刀至賤者一捲長約六丈寬不足二尺質粗而薄印花亦不精細直尚一先與都貧民無力用花紙乃剪紙為花鳥貼之此俗傳至倫敦竟翊為新法鋪中間有雇聰明幼女翦出各類花

士

卉鳥獸備售并可隨意訂定各式畧如喜貓之翦貓喜狗之翦狗襯以花木山勢或樓房各景吸烟室或定翦莊花貼壁臥室或翦鴟鷂黏之左右

二十二日癸酉早晴午後雨涼前于禮拜三日希臘國三太子安得里亞取德國巴坦堡公主阿麗妲為妃在達木斯達城成禮由倫敦卜薩鋪中定喜糕一高約六尺直五百鎊或曰往時英國三公主碧阿特麗妲出嫁堪特城各官夫人公獻之喜糕高至八尺直則五百二十五鎊西俗定例王族嫁娶皆設喜糕五一由新婦之

庖丁自造用分贈已友然平日所用皆僅一層直一二
十鎊而已

二十三日甲戌早晴午後陰雨陣陣入夜微晴聞昨日
倫敦某學堂諸生畢課遊戲時有男孩名周賽第五歲
因一物墜入水溝中從孩相助得將鐵蓋掀起周孩探
手入手未出以孩力盡放錶蓋驟落致傷一指周姓稟
官伊學部判定由部發給四十鎊三十鎊孩養傷十鎊
贈孩父

二十四日乙亥白晝細雨陣陣入夜大雨風初三日曾

十一

記牛堪路之墨爾緋堂襁褓會茲聞禮拜六日彼處開
第二次會與會者一百九十男女嬰孩又有孖生十二
對其得第一賞者為康樸之男孩卓志女孩珂麗生八
個月共稱四十三磅八兩第二賞則司特里他之男孩
第來得五女孩芙羅麗甫一歲共稱四十九磅第三賞
馬麻訥之二子卓志及卓安亦皆一歲共稱四十四磅
九兩葛林之妻一胎生三女名阿彌綠碧那芙蘭扉一
歲九個月一乳三孩是會僅彼一家無與比賽者于是
國王特賞三鎊其稱孩法一小煖榻凳下藏稱坐孩于

覺稱之號碼自露。

二十五日丙子早晴午後陰外國氣球船駛於空中亦無十分把握偶然失手不免墜跌之險氣球公司現創一法氣球之下安一輕木架如船架上置三木筐或桶高二三尺寬二尺餘立其中可以四望是船騰高可至賢波羅禮拜堂頂三桶當中者立駛船人一左右者可各立二人乘船出遊賃直十日二十五鎊駛船人工費一禮拜五鎊用煤氣四十五萬方尺合五十六鎊十日內合店費計之四人約各二十八鎊

三

二十六日丁丑微晴冷倫敦救火向用紅油帶輪高梯四馬運而飛馳已屬輕捷然一梯雖高救火人既不能齊上亦不能即時分投各屋破窗救人近用一長方木架載以四輪氣車較馬車速率百倍抵救火樓前一二分工夫支起橫則括三玻璃窗堅則與六層樓齊架六層每層左右豎兩梯各十六級逐層連古米水管支起則救火人競先登飛向出烟及人喚聲奔窗而入扶挽昇抱人或自行遁出扶梯而下救火人隨于要處射水人不傷火亦即息是架用畢折疊高與闊與公車同

法尤便矣

二十七日戊寅陰晴不定西國百物日喜更新豪富之家傾囊不吝婦女尤好奢華貿易中人遂多方慫恿之昨閱新報一則云現值隆冬婦女之坐氣車者車疾風勁最宜輕裘以禦之今驗各皮或駝重或毛厚鮮合用者惟田鼠皮鞋煖婦女作髦擁身坐車佔地亦不大田鼠皮每張長三寸寬二寸餘婦女一髦共須一百五十皮之色純絨厚輕而軟者以蘇格蘭所產為上每張直九本士十本士如此傳播是本國之業成衣布皮貨者

十四

驟聞利藪更有喜鋪張之輩不論物料之美惡惟于人云產自某地為良者取之以矜豪富

二十八日己卯陰涼外國貨物向禁偽造今亦多方欺騙昨閱新報一則謂貨與貼帖名實不符即如淨棉實係棉與麻淨羊毛實則毛與棉淨絲乃絲棉兩攙青果果油實乃棉子油支因布蘭的苗斯几酒名不同顏色不同實皆燒酒參雜名稱中國茶實係印度茶真謀略好如非之別名實亦常用之加非硬皮鞋底僅係常用詳見五述奇之皮或絳黃厚紙壓成人皆不易辨云

二十九日庚辰陰雨陣陣現為暹羅希臘澳大里亞及南阿美里加各處之鳥翎大包販來倫敦時先入老城內敏興巷及克特樂街各行拆大包分頭二三等按品羅置長桌拍賣一禮拜每日需六點鐘之久各翎為杜鵑鸚鵡鴉鷂鴉魚鶯鴛鳥鵞鳥孔雀之類鶯鳥洋名烏拉秋爾產於南美洲羽毛似鴛鳥惟腿稍短人云昔土人每年必弋獲四十餘萬頭販之各國自有鴛鳥翎鶯鳥生涯稍絀即此可見外國婦女之飾帽用鳥翎者多也

九月

初一日辛巳陰雨如昨倫敦總會報稱一日之內辰正至戌正往來車輛如自韋凌屯街至司特蘭街過貨車六千九百四十五坐車五千七百二十一輛子車又名搭客車洋名教木呢四千四百六十三腳踏車千零六十九汽車六十合之人家坐車計一萬九千七百二十四車之往來巡捕攔阻指示一日內共需三刻二分足見車皆順軌也又騷泰屯路至霍勒貢街共過貨車五千五百六十八坐車三千二百七十六輛子車三千七

百四十二脚踏車一千三百七十四汽車五十六合之
人家坐車計一萬五千五百九十巡捕攔指需二刻十
四分

初二日壬午陰雨英宮禮官世爵郭武立前日病故今
日卜路庫地方出殯同日午正二刻在司婁恩街中開
場呢的禮拜堂中唸經午正余乘車至見各國頭二等
公使并男女百餘有奉君諭代君來者二人坐與各頭
等公使一行堂之大小形式與他處無甚區別屆時鼓
風琴由堂後來二教士領沙彌二十八登臺分立左右

未

皆黑衫白鞋惟教士腦後垂一黑面紅裏之三角△形
頭兜雅洲西南其唸念跪立一切禮節尚不繁瑣未初
一刻即畢

初三日癸未陰雨倫敦英國大銀行每晚官派營兵五
十名官一員自十一點守護巡察至次早六點鐘止武
官入門則通行如一營各門鑰匙皆歸武官掌管雖本
行理事人出入必須報知武官武官執鑰親往詢明然
後啟閉竟夜別有本行二人同各兵環繞巡察亦歸該
員所屬隨時四面以接連錶槌敲石為號苟有敲石聲

斷續不接。武員又必親去察驗。蓋恐兵之或睡。或患病。或有他故。致不能傳響也。兵每名銀行給一先。作點心費。贈官一鎊。美餐一頓。并許外招二友同席。此蓋百年前鄂爾敦作亂時事。至今不改。夜夜皆然也。

初四日甲申陰。倫敦各家飯室。臨牆必有石面櫥櫃。一隨時放刀叉匙盤。以及加非牛奶。盃壺各事。各物于冬季尤宜煨之。令溫。厨竈稍遠者。頗不易近。班得街博愛鋪。新出一種電氣小圓桌。用時。然置于櫥櫃石面。再以各物列桌上。自然留熱。至久。更有小茶桌。連以電管。幾

文

人環卓而飲。其上杯壺亦自長煖。

初五日乙酉陰。亥正微雨。一陣雨後風。昨閱新報中。一則猶太教人司平爾出殯。正行間。巡捕忽接一教猶太教師之信。內書敬陳者。適聞鄰居司姓之死。係由其妻與寄居之人。乃惡虐待。所致。望詳察之。馬查木特稟。即時呈官廳。次日巡捕就近訪察。並無馬姓其人。司妻及寄居者同供不認。信中所言。于是官定司平爾確係因病身故。其妻與寄居者無罪。夫人命至重。西人之待西人。既已如是。待他族可知矣。

初六日丙戌鎮日陰晴不定入夜暴風驟雨一陣西俗
男子入門免冠雖于茶酒肆亦然帽置壁上橫架多人
共一架帽易誤取雖各有暗記然一時不能同坐同起
也或于匆忙時以其舊帽黏帽潛易人之新帽高帽近
人于帽之內頂繫一小銅鈴他人動則鈴響帽主聞聲
已知

初七日丁亥陰雨冷居南堪興坦區闊扉園席克滿之
女席笑蘭現年二十九歲深求醫學考列高等又善泗
水得有寶星于勅建輔立醫院克女醫生西八月十五

日廿六日午後由醫院出遊至晚未歸數日無信女父

登新報云女身長五尺九寸強壯大脚面色深紅眼珠
深藍髮棕色著藍裙深藍外單戴艸帽飾以黑緞上插

鳥翎女醫所
服如此有能指其所在贈百鎊繼醫院亦登報贈

加百鎊于今兩閱月矣前二十八日西十月午後有三

小孩入梨池滿園中覓拾風栗趨入鏡閣一大樹下亂
草中踏見人骨飛報巡捕傍晚地方官于尸旁懸燈支
布帳更正外科醫官及作作至糞除腐州樹葉尸已霉
爛身首兩分于碎布中察有減筆之女名錢包等并有

賢安布蘭之銅十字及泗水所得之寶星距尸約十二步外得一小玻璃瓶內盛黑藥水其被害歟抑自戕歟若瓶中黑水醫院察為毒水則女為自戕確矣女父與醫院所許酬謝錢聞將給拾風粟之小孩云普地呢地方席芙蘭有至契之女友某氏女友之父老且病芙蘭每至皆於窗外作聲以免驚動老人芙蘭失去弟二日晚^{十四}明某氏女忽聞窗外作聲女僕出迎門開無人園中四至搜索不見華俗必以魂薦故交為言未審西俗亦作是想否

九

初八日戊子陰雨陣陣泰西各國女多而男少如英之蘇格蘭一島男女四百四十七萬二千一百零二名口男丁二百一十七萬三千七百五十五女子二百二十九萬八千三百四十八傭婦女工者固多而作男工者亦不少其在地方官署者二千二百零三學教務者九百八十八學律例者三十二學醫術者八千四百四十五充教習者一萬七千三百七十四習格物化學者百零七歌曲作樂者三千九百八十一充女婢者十七萬四千四百七十五作買賣者一萬六千零五十九耕種

者四萬零五百三十一五金工匠三千五百九十六織
紡十三萬一千四百七十七此外更有錢商二船廠工
人一車夫一泥水匠二掃烟筒者一在脚踏車及汽車
局中作工者三十七輛子車中賣票者一充襪糊匠者
一代人租買樓房者二如此雖至苦至賤之工亦須識
字者

初九日己丑晴西國男子有終身不敢娶者女子亦有
終身不願嫁者歿後遺產有不分給戚友及本族本家
徑行施捨助善者昨閱新報一則麥偉樸者卜陸克街

干

成衣總行行首也歿後遺三十萬八千八百五十鎊六
先八本土遺書令與行中管帳及裁縫賣衣者十年內
每年每人由五十鎊至三百鎊有差又有孤女卜麗姒
存三萬二千二百零九鎊二先二本土遺書令給教門
賑濟牧童會教務會及猶太各教會各二千鎊本洲及
南美洲與各屬地之各教會一千鎊麥之意在贍同行
之侶卜之意在虔心奉教云

初十日庚寅晝晴入夜雨倫敦婦女競為樂善好施不
能財施乃施力如司丹佛街第百六十一號之貝克爾

小姐立一助善局每年函致通城各富家凡男女老幼不用之舊衣冠靴鞋各物願捨者請先賜信以便送筐定期用車收取入局後洗淨再度其破爛大小按式拆作用以濟貧苦男女小孩隆冬禦寒云

十一日辛卯陰晴不定英俗凡女戀男兩情投訂為夫婦第一須購聘定金約指此約指鑿花嵌珠寶價由十數鎊至百鎊不一故凡男子見女子之手有此約指知其已經定聘無須設法與之交給用沽情愛之名矣女子得約指後復親交男子一箱為妝奩內盛各種白布

主

衫褲之類襯以一種香草名曰拉文得爾

此草固用以薰衣而更舍

有使人戀想

迨入堂成禮之日新郎又自兜中出一淨

金約指由教師交新娘令納之指其鑿花者入夜可去之而此淨金者乃終身不去昭恩情愛情之誠女之父兄子女將嫁時亦可給一織就大花白紗氈內襯藍綠灰黑等色花朵顯露光潔無比氈之工價極昂僅于新娘成禮之日服之更有世代什襲者如中國之垂珠鈿子上頭花耳墜鳳冠霞帔諸事

十二日壬辰早晴午初陰申刻細雨淋漓倫敦婦女最

喜畜犬所喜之種類不時變更賣犬為生者獲利時有
盈胸即如四年前倫敦以日本哈吧為第一繼則改尚
比利時之小耳犬邇因一著名女優有一手托小犬因
之通城富宦之妻女咸致書犬商謂如能得此種小犬
願償八十鎊或百鎊如其毛色新奇似古巴者當償以
二百至三百鎊云

十三日癸巳陰西國于日用之飲食考察頗致力防有
攪雜敗壞無益于人然於富室所用未甚著意奸商遂
于此中設法作偽攪雜如法人喜食田螺賣者以牛羊

三

馬肺雜之其壳另塗以油與軟泥壳中或實以雞鴨之
肝肺稱曰柏甘的地在法國東南界之田螺而賣之食之者反
覺適口西國由地掘出之土伏現翻其整去者以番薯
充之切碎者則以黑古米或舊紬軟皮等造之魚死則
肉敗雖用水出研砂涼之依然變味乃以鉛鹽與礬土
填之皮外擦以石油質再以鮮血塗臆視如新出水者
西红柿醬多雜以紅蘿蔔胡椒末雜以乾餅末罕有考
其所由來者

十四日甲午陰酉初細雨環球產物各不同飲食使用

之法莫善於本地之人既能品其味而用亦得宜即如

加非英名關第益法名夏費本產于亞喇伯地在西南西洲

紅海北接土耳其上名夏衛亞名夏襪譯乃酒也西人和水烹

以高壺傾出後始加糖與牛乳是僅啜其汁如茶如豆

湯亞喇伯人乃用凸形小壺至小者容兩杯水大者容

八九杯視所飲之多寡先以他器煮水沸後傾滿小壺

放以白糖三五兩置火上烹之水滾糖化取下入加非

細末兩匙或四匙以匙攪之使和再置火上沸而泡起

取下以匙輕震之俟泡落仍置火上如是者三至第四

重

次泡起則即按杯注之俾各杯中浮泡沫不加牛乳與

糖啜之如粥如藕粉如杏仁茶色則淺紅如高粱米甘

而香不失其本味云

十五日乙未微晴英國一種彩會如中國之抓彩奪標

現當火雞與菊花競勝時倫敦一種小會曰鯨夫彩會

意其因婦女不與會故名人數寥寥曠為遙每人如干

先以火雞為標西人平日飲食尚白此會則喜黃桌布

瓷器皆黃色桌面飾花黃瓷盆插金菊遍室然黃燦作

菊花形之燭酒食數色牡蠣牛尾湯火雞碎番薯烤西

红柿拌生菜乳餅乳冰煨栗子黑加非奪標係食蠟子
啜湯後堂官進酒畢捧一金盤盛計坐中人數之小紙
捲若干逐捲中藏號碼堂官繞桌一周坐客隨手拈取
繼則金盤盛一燒火雞置之卓盤之四圍飾以金菊厨
子先按坐客數插白紙小號碼于雞身客攤捲對號堂
官依號割分各客其得食雞之胸背腿膊肉多肉少咸
視坐客一時之口福客既不知庖丁插某號于某處而
庖丁亦不知客所拈之捲為何號也

十六日丙申早晴午後微霧聞前于十三日波斯國東

孟

北界之土爾什伊斯城突遭地震男女死三百五十餘
人傷者尤眾其地製造花毯之局廠二百餘陷入地中
及震地者一百八十四僅得完好者三十二是地東臨
阿富汗北近俄羅斯俄國遂派醫官診受傷之人或云
西國極鄰之誼適為收拾人心計耳然歟否歟

十七日丁酉早微陰申初霧是時他國果品來倫敦頗
盛牛心柿子一枚半先岡榴極大味甘一本士他如橘
李梨蕉葡萄平果芒果桑椹紅莓苔子直亦不昂聞由
加那地來之平果二十五萬斛悞悞日斯巴尼亞之橘

子二萬箱義大里扎美塔喀那里美洛里大澳大里亞
來者共亦數萬箱一箱八十八枚由九先至十先十一
本土客那里島之蕉子地在斐洲西北一禮拜中販來約八萬
枝每枝果百餘一枝由十先至十五先目斯巴尼亞之
葡萄亦九萬箱足徵生齒日繁食用日夥也

十八日戊戌早微晴酉刻大霧倫敦于夏季花園敲地
多打球戲現值寒冬于樓中作新法游戲以斂錢名曰
霍克伊譯為快樂戲此者男女耦二耦三耦四皆宜一
長方卓面以白粉畫截十一格卓兩端各一橫格為贏

五

標案一曰紅標一曰藍標當中九格緣邊左三格中為
藍家上下為紅家右三格上下為藍家中為紅家中心
三格為局外地人分紅藍二黨各執匙形小棍一長約
八寸起首二黨中一人擲一錢于卓面隨擲問彼黨曰
要頭要背頭者王之頭背者錢之背也其猜中者先置小輕球一于
局外地以小棍設法敲入本黨格中球旋轉問他黨爭
敲冀入本格既入格則他黨不能奪而此球要須緩緩撥
令常動至妥處即外敲俾飛入對面本格中一球如能
連入三本格末入本色贏標中間不為他黨人敲入他

格者勝

十九日巳亥早大霧咫尺不見人午正霧散微晴申刻仍陰倫敦ABC加非館前通城一百五十餘未嫁之
女工不下二千傭工日久方能熟習各務工價加增什物處處得宜潔而整引人常飲是工價費出自來客多
主人反獲利也然女長宜嫁據云每禮拜內必有四五名辭工出嫁屆期行主贈女一嫁餅賀之為常例而屢
易新工利獲日縮上年計入八萬一千鎊今年則僅七萬七千鎊資本則十八萬九千鎊

庚

二十日庚子陰霧昨一老人由瑞士南界瑪日爾湖邊阿斯扣那邨來名薩滿森者百六十九歲健比少年只云近百年來不食鹽戒飲酒以為鹽最傷身損血氣敗神智酒傷胃如能法二千年前古人之飲食可長生至二三百歲也其人衣服仿古不雜髮不脫衣足著皮帶芒鞋鬚長尺餘涼則卧屋中木榻暖則仰卧田間斯亦泰西之異人也

二十一日辛丑陰冷前十九日禮拜六初七日公舉李吉為倫敦美爾今日上任游街自午初至申正往來

二十三日癸卯陰酉初微雨。前日倫敦新美爾到任。議
客極樂堂同日同時在老城東北買蘭路大阿三少立
堂中招老城貧苦老幼一千五百人晚餐。聞有九十三
歲老嫗與坐是舉所費除酒肉麩包茶葉用二百六十
夏倫墨卜雷果似黑桑餅糖糕各一千五百斤。平果四
萬食畢公電致謝美爾夫婦及晒里夫等。又當日新任
美爾代倫敦通城人民電祝王壽。國王覆電令代為伸
謝城民祝賀之美意。

二十四日甲辰陰而微雨陣陣。本街麻里賁小巷內第

天

十二號老嫗詹斯樂創售海參湯。因海參華產華人喜
食。昨送一罐請嘗。將為長售計。余溫而啜之。一罐足兩
盤。僅見雞丁蘑菇海參已化為湯。海參本無味。湯中更
無海參味。不知西人口中以為何如。直則每罐七先六
本士半罐。四先如不用罐。欲即時滿盤上卓。須于四日
前給信。合每罐六先。罐盛者十二罐。四吉呢。十二半罐
二吉呢。

二十五日乙巳陰微霧。俄國虐待逐殺猶太教人由來
已久。本年某月美總統心不忍。欲致書俄皇而勸之。先

令駐俄美使通知俄外部外部大臣力阻以憲俄皇不
約為言美總統不悅美遂不滿意俄聞有俄國猶太教
多人將遷居於英屬地加那地每戶先交一鎊與彼處
拉庇猶太教師為質拉庇將所收之鎊寄交住倫敦之
拉庇倫敦拉庇即寄還契紙一張內言割與其人荒地
七十五畝為產每畝價作二先其人收到契紙再付一
鎊十先統歸地價三分之一其他五鎊俟到加那地後
領地開墾陸續交還所以先收一鎊為質者因恐又由
俄至加那地之路費各戶須交八鎊聞彼處有荒地一

无

塊本為猶太教人屬地名奚爾什也

二十六日丙午早晴午後陰冷細雨陣陣入夜晴前聞
英蘭北界諾桑晒府暴雨漲河君王巖地淹一狹尸無
著彼處有人自云可用符咒緣河尋之法以二巨麩包
夾兩匙水銀送入河順流而下多人緣河追覓共謂水
銀中舍有符咒遇尸必止麩包浮數里抵一處不動因
水至深巫士云尸必在麩包下俟水淺時撈之
二十七日丁未早晴午後陰西人創物不外水火輪機
電氣近見新造一種喚醒帶升火鐘爐中妥納煤柴醒

鐘放于爐上或牀旁鐘爐間通一古米管內含關鍵管連爐之一端置有易於爆裂生火之物連鐘之一端接以小輪轆轤鐘鳴則轆轤轉自激火穿管至爐前觸于爆物火自然發豫計某時用火將醒鐘時針指定屆時鐘自鳴嚮晨人未起而火自生至便也

二十八日戊申晴冷華人喜以楸于火上燒焦和鹽為末調以醬油黃酒蘸食蛤蚧入冬火鍋多入蛤蚧仁火者名美人蠟乾皆取其味鮮湯熱也近因天寒英人創一種熱湯盤名曰查第英的什乃一淺銅鍋左右有耳

下連三角銅架架中置一銅盒內然火酒鍋內盛水鍋上別一銅盤似蓋而下凹盤邊一長柄以便取下置上用時火酒燒水水滾盤熱盤上作菜外有叉匙漏勺鐵網烙物器具諸件每盒至賤者一鎊一先所作之食物不知其味如何姑記之如一種雞蛋餅先放兩匙乳油于盤炸碎葱少許俟葱變黃色傾入兩匙薑黃末兩匙白麩攪勻再傾入雞末或牛肉末半升肉末先泡以滾水約炒十分工即加牛乳汁兩匙熟雞子片六個攤炒合成一餅別一種係炸蠟子放乳油一匙油化傾蠟子

十二碎芹菜一匙調以鹽與楸面各少許炸炒三分二
即傾入舍利一杯再炒二分工取出盛于瓷盤內熟食
之味極鮮美云

二十九日巳酉鎮日陰雨陣陣冷義大里王維克多王
后愛萊訥于前兩日同至法京游歷兼拜總統昨日由
巴里乘火車至法西北界什爾堡海口是處車棧樓房
懸花結彩法英兩國兵輪皆懸英法義三國旗而英之
維克都里亞阿拉柏御坐快艇尤華美王后著褐色氈
手執雨傘先下車王著將軍戎服下車後英法水師各

五

員口親王后之手并向義王行鞠躬禮地方官呈王后
石仙桃一束束以義國旗之白紅綠三色窄綵綉以金
王冕及HR二洋字用表敬意當王與后步入帷幄時
水陸兵左右排隊土人男女擁立高聲齊祝王壽在內
少坐經英水師提督屠查與佛格引登御前快艇官兵
奏樂迎迓其他各船亦皆鼓吹聲砲入夜岸上船面皆
懸燈為白畫英太子先由三丁梳馳回倫敦午酌後赴
坡茲茂斯海口住世爵費汁爾家備迎義王與后是早
寅初十分快艇展輪巳正四十五分駛抵坡茲茂斯海

口他船及岸上礮臺聲如雷發兵奏義樂午初英太子登船見義王與后兵又改奏天保君王義王著將軍服太子著二等水師提督服故稱曰陸軍國王水師太子太子見義后免冠深深鞠躬接吻繼而他官男女恭見畢本地美爾立誦陳詞一段云英義交結和睦歷來已久又上年當我君加冕曾有貴國兵輪駛至此地頗快民心今日駕幸此埠人民不勝歡悅恭迎此次貴王與后来拜我君惟望今後兩國友誼更堅天下昇平也遂迎入廳中午酌既上火車礮臺聲礮軍民男女歡呼禮

三

節與接法總統同末初十分開車申初三十分抵文德行宮英君與后先由倫敦到此候于車棧各處花彩懸結車到衛所聲礮兵奏義樂迺之本本地美爾立陳數語義王亦以數語答謝之二君與太子及寬諾公一車兩后與太子妃一車緩行入宮沿途男女歡呼并有以義言拉麻兜那台貝呢的喀譯為太太上天保佑太太指兜那乃英法言麻大木之變音自伊威歐乃蒙坦尼格婁土語萬壽各辭祝者

三十日庚戌陰清晨義王親至宮前萊洛墨爾堂中君

主維克都里亞墳前獻花園已正二君率太子及寬諾
公各著獵服坐四馬大敞車別一車載隨人大槍馳入
文恣園取山雞鼠兔之類二后在宮中臺上園內游午
初獵畢義王植橡樹一棵于山頂作記念復在柯蘭班
臺上午酌二后亦到隨同拍小影成正宮中晚膳有文
武大員命婦多人宴間英君立起言曰王后與寡人深
喜於此老宮中接待貴王與后会誼嘉賓四十八年前
曾記貴王祖來此為寡人已故母與父之客恍如昨日
當斯時也我兩國交兵多謝上天我兩國于今友誼敦

厚共樂和平數月前寡人在羅馬蒙貴王及人民之優
待今何敢忘明日貴王與后離倫敦時自見我國人民
交結之誠心今舉酒先祝貴王與后之福並謝駕臨敝
地再祝貴王與后貴王族及貴國順立興盛怡懌安康
義王立起答曰貴王所述不惟銘諸心通國人民亦皆
念念不忘也其事載諸史記既使義地各邦聯盟英亦
因而日強更使兩國人民因而和睦義人立為世傳之
言義廷亦為治國之一大典與貴國感化和平同多謝
寡人與后蒙貴王與后之爽快優待此老宮載諸青史

引後則本城馬爾沙晒里夫阿得曼考滿訥爾各員皆
著古制長鬘戴灰色假髮項圍金練手執木杖列位先
行次則英太子與妃又次則有捧長劍舉金圭者末為
義王與后轉入書樓正面臺前各人止步義王與后登
臺向美爾夫婦及左右各官命婦點頭為禮既而美爾
扶義后義王扶美爾夫人緩步入飯堂同坐中正面英
太子與妃及寬諾公夫婦并二郡主瑪夏蕾芭蒂夏與
他文武各官夫婦左右依品分坐卓式亦作梳形正面
一橫下列二十六齒共坐男女八百食間隨經儼相饌

爾額設高聲一呼令人靜坐勿言眾坐而依然高聲歡呼

者循古禮也表欣悅也食畢第六座之阿得曼捧一金

匣內盛美爾所備誦詞一篇此篇非帛乃羊皮一長方飾以金邊裏以彩緞寫字

其上為其永存不朽也舉交美爾美爾受之深鞠躬雙手遞義王

其詞之大旨亦叙及四十八年前王祖埃麻迺之來英

為始至今兩國之友誼永宜敦好等語蓋當時義大里

未成一大國埃麻迺本為義國西界薩爾的呢亞島王後經英以兵力協助而或者美爾立陳數

語後義王乃立答一段大旨謂深謝英人之優待並敘

感記四十八年前英助義之各邦合一歸為自主義人

至今不忘兩國友誼和睦自當永世無更云云言之感
人心曲為眾所喜聞者詞畢人皆歡聲稱讚申初一刻
義王與后辭出極樂堂有英太子與妃寬諾公與公夫
人同隨乘車走君主維克都里亞街太木斯江畔馬軍
校場格婁伍諾坊海岱圍角維克都里亞門申正十分
至帕丁屯火車站即時登車申正二刻抵文恣倫敦城
內自數日前于今日義王往來必由之路緣街左右每
隔十五步立棍一對高幾二丈上飾金頂下裹紅綠綢
二棍間連以大朵假花一串街中各電燈架亦裹紅白

三六

綠三色綢意仿義國國旗也緣途左右各鋪插英義國
旗于樓頂門前義王將過某街一小時以前即禁開人
來往灑地以黃沙土緣街左右排立兵官護衛共官六
十四員兵一千八百極樂堂中裝潢甚華美正面一橫
卓金瓶插鮮石仙桃英名教爾池伊者已四千餘朵其
他二十六卓陳玫瑰菊茶各花亦九千餘朵共直逾三
百鎊云所有用絲之處亦以紅白綠三色用符義旗以
昭敦睦之意

初二日壬子陰巳正二刻英義兩君及太子與寬諾公

皆著皮衣同去六洋里外順倭直呢亞湖水登馬諾山中打獵獲得山雞野猫若許共載三車獵罷齊入湖邊千總魏蓮池家樓房小而潔兩后先到同在彼少坐乃入釣魚臺午酌食畢還宮宮中設晚膳器皿皆金銀數日前在宮旁槐達店設愛爾蘭土貨場昨英君偕后及郡主以下各買多件因義后無暇親往經各貨主輻輳千鎊之貨送入宮中義后擇購絨紗小人玩物之屬多件價直未聞

初三日癸丑陰巳初英太子送義王與后乘火車前赴

三五

坡茲茂斯海口英君與后陪至車棧左右立護軍隊伍馬車到時兵奏義國國樂將上車二君握手殷殷兩后話別亦頗戀戀車開英王向義后免冠樂改奏天保國王午正至彼下車即登英維克都里亞阿拉柏御船英太子辭回義王與后發電文恣致謝英君暨后末初辰輪申正一刻駛抵什爾堡茂初上岸登車即開約明晨即抵羅馬云

初四日甲寅陰聞昨在文恣宮所備御用足供百四十二人晚餐之金盤碟筵各四共直一百八十萬鎊就中三

百六十湯盤亦萬鎊皆盛以鐵櫃置于衛拉斯王臺下
又義王將行餽英后及賞賜宮內外各官寶物如鑽石
襟針各物甚多英后贈義后笨狗一條價西一千八百
四十年老君主之法也凡貴客之來佳文忠者旋時皆
自御養狗寶中擇一條贈之

初五日乙卯陰昨英后贈義后之犬英名庫力性頗靈
西國牧童多用以守羊毛稍長色則為黑為白為黃身
小而足短北京諺語所謂板凳子也蘇格蘭牧童逐年
定期開賽狗會擇敞地以木棍兩兩插土成折路放一

三

羊於前人言欲使此羊自某路至某路末則轉至某處
狗依所示驅行過轉能使羊走遍而不差者勝狗既獲
彩人亦得名入夜陰風怒號窗榻皆鳴尚不甚冷

初六日丙辰陰倫敦有一助善會曰小孩晚樂會英名
池得倫斯哈庇伊伍賓斯會首為太子妃協理者首為
哲爾奚伯爵夫人而與會之世家婦女甚多每年一季
募小孩玩物若干于耶穌復甦節分送小兒醫院及育
嬰各院是晚分給各孩以悅之會以是得名兩月前有
前在哲爾奚夫人鄉間茶會所遇之世家女瓦爾得者

日一發者因蚊嘴所噴之毒不同有日日漲發之毒亦
有一日兩日後漲發一次之毒據云羅馬某處凡外人
至彼即患瘴氣三四英醫持于其地造木房一間因苦
炎熱嵌窗不用玻璃而用鐵絲密絡如紗引涼風納空
氣以阻蚊入日出方出門日未落即入因蚊覓食以暮
攢集也居數日無患病者又一人于是地捉四蚊於瓶
抵倫敦乃于眾人前故伸其二指入瓶令蚊噪之蚊嘴
入皮不深其人尚連病多日統觀各說似凡瘴疾皆為
蚊致之明證向在香港中外人多患瘴氣近年洋人多
人云

早

遷居山上凡近室之水池小河皆傾煤油少許于水面
使蚊蟲無從出水故至今香港患瘴疾者僅山下之華
人云

初八日戊午陰而細雨陣陣聞德國舒恩堡瓦丹堡邦
王爵鄂迺斯之妃阿麗奴年二十七歲為日斯巴尼亞
宗族卜爾賁之第五女前于西一千八百九十七年在

維呢斯城

地在義國
東北臨海

成婚由彼移住得雷森城

在德國
薩克森

邦之東
北界

去歲西六月生一子名里歐普妃與車夫義人

馬特呢最善忽于西十一月九日十一月二日出此渺無踪

跡車夫亦同日不知所之。妃姊愛維臘于數年前亦與畫師義人佛池伊私奔。此類事一二國之上流人尚不免特為者。少耳。下此則學養子而後嫁者多矣。然罕聞有奉夫與情夫起衝突者。中外婦女教養之不同也如此。

初九日己未鎮日陰雨冷聞喜柏得隆雜劇館有粵人程連蘇演各式戲法。遂豫購入場券。成初乘車往觀。計十四場。有曾看過者亦有平平無足錄者。惟一法人名安那的背立臺下池臺上橫一長方黑木板寬二丈高

里

五尺餘。旁立一人手執白粉。出乃請坐客隨意各說五數。眾客言畢始以白粉一一書諸板上。橫得五六三十數。豎得五五二十五數。于每二十五數下臺上人先為之加。成既令安先一一背誦。後則疊加六段陸續述加畢。又統加成一總數。無一誤者。復請坐客信口問以某年月日為禮拜幾。安答之如響。問者數十。余不知安所答確否。以當時無書可檢也。惟令安再背誦板上各數。仍毫釐不失。其心之靈。腦筋之強。苟非生成。余願得其術以療愚鈍。又二男二女。兄弟姊妹年皆二十上下。姓

哈爾維演走繩技往來行走跳舞單腿順進倒退雙腿
平伸坐于繩上弓腰俯仰如在平地一人名武鐸演海
狗水獺戲于臺正中懸一障眼畫如在船上武鐸扮水
師武官別一人扮水手海獸共八頭各伏于一白圓木
盤上令其作樂擊鼓吹號敲鏡鈸吹喇叭武鐸作工頭
舉棍指畫聲調亦諧既令其吸菸捲以嘴及兩翅學弄
大小古米球隨弄隨拋飼以鮮魚皆張口而接有時應
飼不飼獸則或打鼓或吹號或兩翅對敲如人鼓掌嗚
嗚作聲以討食通場約費鮮魚百尾又演一英商自坐

聖

屋中爐前吸烟其旁別置三椅爐上鏡邊張一帖曰自
由商英言第五意謂天下各國皆可來英貿易而得自
由也其人正坐間突來一他國人與之握手問候畢坐
對面椅上二人正話間又來一別國人與之握手問候
如前坐其旁如是陸續來四人皆他國者竟坐盡其椅
致其人無座而立按其義所指屋者英也四人者四方
之商也前後咸來英國因英人和睦
之座位概行佔去也乃于鏡邊改一帝曰公平商費爾
特爾後來三英人將四外人拽起推出四人分坐各椅
觀者多人擊掌稱賀不已蓋謂英人須將外人逐出自

行貿易方為公平也。此劇蓋本之章伯綸在各處所演說者。又二白臉小丑一名貝苓一名高柏二人戲于池中。貝苓手執一石板。旁人問此板何用。貝言夥計高柏頗能猜數。如寫一數于板。余拍其頭。即能答所書之數。請嘗試之。旁人為慮其竊窺也。者怕其面。始以白粉寫數。則至高身後。以板三拍其頭。問之。答曰三。出石板示眾。數果三。旁人佯作詫異狀。讚之。則言可再請。客中一位寫數試之。池邊一男客接去書。以四百三十三。見其數驚訝無法。乃云謝謝感激之至。感激之至。抱石板

四三

至高身後。連以石板敲其頭。則喊大痛。抱頭鼠竄而去。旁人問伊何以不答而去。高言數本四百三十三。吾祇得敲其零數。彼已遁矣。下餘四百正數。請足下代捱之。何如。言畢。闕堂大笑。客皆擊掌。繼出三黑羸。騎而繞池。馳驅羸則跳擲。作不欲被騎狀。殊可笑。演畢。劇時。臺正中懸天官賜福四字。左懸孔子像。右懸關帝像。高皆盈丈。五彩簇綉鮮明。中置八仙卓二。前繫綉花紅圍。一班四人。三男一女。獻技者。僅程一人。卓上一木斗。滿盛鋸末。將棍插入。示人。以內無別物。繼而傾出。則活鴨三隻。

又以瓷花盆二向人舉起空空如也既手執一紙筒形如帽筒兩頭皆口人視之通無物納之盆中隨即取起生白菊一叢再納之第二盆又生黃菊一叢翦花以二管籬承之管座婦今送各女客見夢下繫程小影一幅周僅寸五復吞紙火三十餘捲白棉一盆吞畢口中出烟隨于烟中取絨絳一縷甚長紙條一堆雨傘一柄二尺餘木棍一又取金橘一玻璃瓶長方玻璃匣一個分置左右兩卓以木筒套瓶轉瞬間匣中金橘滿去筒視瓶瓶已空其他如套鋼圈舞火球取盆水各戲與都門

器

同演畢臺上忽垂紅粘黑絨字條六長均丈五寬各二尺字之點畫刻作甚工其文則天地元黃一篇不知是何取意子初回使館

初十日庚申陰雨冷辰刻率諸眷隨向北恭拜

牌行三跪九叩禮酉正公譙樓上下共列十二卓聞近因

英王喜愛一種黃色小鳥洋名堪那立即北京俗名價之碧雲鳥

驟翔貴據云所直之金較鳥身重加數倍其至貴者為頭起盔羽長逾兩目直由十五鎊至四十鎊因其不易孳生也雖秃頭無盔羽而鳴聲可聽者亦由十數鎊至

二十五磅飼鳥之法由日斯巴尼亞販來棘柁胡椒之類頗多以備添拌雞蛋之用云

十一日辛酉陰冷西國向有風雨表近經英人復創一
至儉至簡之法洗淨醬菜玻璃罐滿以涼水與肩平一
長頸錐把形玻璃瓶對口倒置插入土潤而雨水不入
瓶口稍潤水上升入瓶一寸清爽不溼上升二寸晴則
升三寸幾至水邊常晴不變升四寸過罐肩矣屢試屢
驗云

十二日壬戌陰午後微雪一陣西國各式新報罕有自

四

販而美他國者且每多保護國民鼓舞之振興之如邇
來華茶賤而英人印度所種之茶運至倫敦價乃加倍
遂致購用華茶者居半昨見日日新報一則題曰茶末
灰塵據云華茶不潔多夾塵之碎末已經各國拒之矣
倫敦人買一先一磅者以為良茗苟經善鑒者一嗅即
知為華產是茶第一盃其味辛再則色淡味亦淡雖云
費者實為多費也俄人貧而貪更欲色味濃厚首尾如
一故今已改飲印度茶印茶一先半或一先八本士一
磅者價雖畧貴而味色皆耐久夫華茶之所由販運造

口者因英無美之禁用賍茶例耳。然醫病之法，主權在我。尚望司其事者察之云云。由彼之說，是僅欲茶味濃苦，茶色黑紅，未讀茶經，不能領畧其趣。夫印度茶，余已嘗之矣，色不黑而味甜辛，入咽使心頭作惡，且西人暴飲不知細品，泡以死水，烹以火油，電氣香味已失，加以牛乳白糖，茶之本味亦去矣。亦何辨乎？是茶非茶耶？十三日癸亥陰，倫敦善士恐幼年孤貧子弟隻身外寓，易被引誘，乃公議于司鐸魁路第四十二號起樓五層，名曰印格，即寓所，俾有安居之地，得免為非。樓每層卧

四共

室五十二，洗浴房四通，可居人二百零八。樓下頭層有書房、飯堂、吸烟廊、打球房、中間大廳，操觚奏樂處。外間并有拋球、踢球、寔建造費除各間陳設器具外，共用三萬鎊。賃價分三等，每禮拜自七先至十三先。昨日先經浴，柴得爾大牧師落第一塊基石。其房甫興工時，即有豫賃者六十餘人云。